



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

LXII. Quod Correctores Provinciales in Ordine Fratrum Minorum S. Francisci
de Paula, de cætero, cpmpleto, & exacto eorum officio, per sex annos
immediatè sequentes ab eodem munere vacare debeant, ...

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

gregationi Clericorum Regularium de Somafcha alias S. Majoli Papien. nuncupatorium concesserat ut singuli Presbyteri profesti dictæ Congregationis omnibus, & quibuscumque personis degen- tibus, & commorantibus in Orphanotrophiis, Seminariis, Academiis, & Convictorum Collegiis sub cura, regimine, & administratione dictæ Congregationis existentibus extremæ unctionis, necnon etiam tempore Paschatis, Resurrectionis Dominicæ, festivitatis Sanctissimæ Eucharistiæ, Sacramenta, absque aliquo censurarum incurfu ministrare rec. mem.

§. 1. Urbano Papæ VIII. Prædecessori pariter Nostro pro parte, tunc existentis Procuratoris Generalis prædictæ Congregationis exposito, quod à nonnullis locorum Ordinariis revocaretur in dubium, an per supradictam Concessio- nem Presbyteris prædictis implicite etiam con- cessa essent licentia privata Oratoria in Orpha- notrophiis, Seminariis, Academiis, & Convi- ctorum Collegiis hujusmodi præsertim dictæ Con- gregationis non propriis habendi, in eisq; Sa- crosanctum Missæ sacrificium etiam extrâ tem- pus Paschatis celebrandi: idem Urbanus Præde- cessor supplicationibus dicti Procuratoris Gene- ralis nomine sibi super hoc humiliter porrectis inclinatus, eidem Congregationi quod ipsa in Orphanotrophiis, Seminariis, Academiis, & Convictorum Collegiis hujusmodi, etiam non propriis dictæ Congregationis, sub ejus tamen cura, regimine, & administratione existentibus Oratoria privata habere, ipsiusq; Congregatio- nis Presbyteri profesti in eis sacrosanctum Missæ sacrificium in personarum in dictis Orphanotro- phiis, Seminariis, Academiis, & Convictorum Collegiis degentium, & commorantium præsen- tia tam intra, quam extrâ tempus Paschatis Re- surrectionis Dominicæ festivitatis hujusmodi ce- lebrare liberè, & licite possent, & valerent, declaravit, ac quatenus opus esset, eis de novo concessit, & indulgit prout in ipsius Urbani Prædecessoris Litteris desuper in simili forma Bre- vis, die 22. Decembris 1632. expediri, quarum tenorem præsentibus pro plenè, & sufficienter expresso, & verbatim inserto haberi volumus continetur.

§. 2. Cum autem sicut dilectus filius Petrus Franciscus Moia Procurator Generalis memoratæ Congregationis Nobis nuper exponi fecit, non- nulli locorum Ordinarii adhuc revocent in du- bium utrum Alumni, & Convictores qui in præ- dictis Collegiis educantur peccata sua Presbyte- ris per Ordinarios approbatis in eisdem Colle- giis sacramentaliter confiteri valeant, ipseque Petrus Franciscus Procurator Generalis propte- rea, quò spirituali eorumdem Alumnorum, & Convictorum quieti consulatur, opportunè in præmissis à Nobis provideri plurimum deside- ret.

§. 3. Nos eundem Petrum Franciscum Pro- curatorem Generalem specialibus favoribus, & gratis prosequi volentes, & à quibusvis excom- municationis, suspensionis, & interdicti, aliis- que Ecclesiasticis sententiis, censuris, & pœ- nis à jure, vel ab homine quavis occasione, vel causa latis si quibus quomolibet innodatus existit ad effectum præsentium dumtaxat conse- quen. harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, ut Alumni, & Convictores Collegiorum sub cura dictæ Congregationis existentium in Ora- toriis, seu Cappellis eorumdem Collegiorum, in quibus præmissum est auctoritate Apostolica Missam celebrare, & Sacram Communionem ministrare, peccata sua sacramentaliter confiteri liberè, & licite possint, & valeant, idque Pres- byteris ab Ordinario approbatis etiam seculari-

bus si Alumni, & Convictores nollent confiteri Regularibus dictæ Congregationis auctoritate Apostolica tenore præsentium concedimus, & indulgemus.

§. 4. Non obstant. præmissis, ac Constitutio- nibus, & ordinationibus Apostolicis, caterisque contrariis quibuscumque.

Datum Romæ apud Sanctam Mariam Mayo- rem sub Annulo Piscatoris, die 18. Martii 1659. Pontificatus Nostri Anno Quarto.

Quod Correctores Provinciales in Ordine Fra- trum Minorum S. Francisci de Paula, de cæ- tero, completo, & exacto eorum officio, per sex annos immediatè sequentes ab eodem mu- nere vacare debeant, antequam ad hujusmo- di munus denuò eligi possint.

De hac materia vide ad Constit. Gregor. XV. Mili- tantis Ecclesiæ pro Fratribus Regularis Observan- tiæ ac Discalceatorum S. Francisci.

ALEXANDER PAPA VII.

Ad perpetuam rei memoriam.

Ad ea, per quæ Religiosorum Ordinum quo- rumcumque felici directioni opportunè con- sultur, libenter intendimus, & desuper Pasto- ralis officii Nostri partes favorabiliter interponi- mus, prout conspiciamus in Domino salubriter expedire.

§. 1. Cum itaque sicut accepimus in Ordi- ne Fratrum Minorum S. Francisci de Paula in vim illius Regulæ, & Constitutionum Apo- stolice auctoritate confirmatarum, Correctores Pro- vinciales hujusmodi spatio trium annorum exer- ceant, quibus expletis, illi vacare, & cessare ab eodem munere, & officio ad aliud trien- nium immediatè subsequens debent, ad hoc ut in Correctorem Provinciale denuò reeligi pos- sint; Cumque videatur ad præsens inolevisse in eodem Ordine cupiditas, & ambitio officio- rum, ipsique Correctores Provinciales, ut ad idem Correctoris Provincialis munus, & officium, exacto triennio prædicto, reeligantur, eaque de causa Successores in eodem munere sibi grati, & accepti creentur, studeant eos dicti Ordinis Re- ligiosos in Correctores locales constituere, qui ad suæ libitum voluntatis in Capitulo Provinciali votum, seu suffragium ferant, sui perpetuita- tem in domino, & officio, nulla habita boni communis, & prosperi regiminis dicti Ordinis tam in spiritualibus, quam in temporalibus ra- tione, quærentes.

§. 2. Hinc est, quod Nos ambitioni, & cu- piditati hujusmodi obviam ire, & in præmis- sis opportunè pro cura nostra Pastoralis provi- dere volentes, Motu proprio, ac ex certa scientia, & matura deliberatione nostris, de- que Apostolicæ potestatis plenitudine: Quod de cætero perpetuis futuris temporibus Corre- ctores Provinciales d. Ordinis completo, & ex- acto illorum officio hujusmodi, per sex annos immediatè sequentes, ab eodem munere vacare, & cessare debeant, itaut ante lapsum sexennii hu- jusmodi ad munus, & officium Correctoris Pro- vincialis cujuscumque Provinciæ Ordinis prædi- cti denuò eligi, vel assumi nullo modo possint tenore præsentium statuimus; atque ita ab om- nibus, & singulis d. Ordinis Fratribus, & per- sonis sub indignationis Nostre, ac privationis vocis activæ, & passivæ, necnon dignitatum, officiorum, & præminentiarum quarumlibet, ac perpetuè inhabilitatis ad illa, & quævis alia,

Contrariis derogat.

Dat. P. An. 4. die 18. Martii

LXII.

Edita A. D. 1659.

Exordium.

Motiva hu- jus Constit.

Observanda mandat prout in rubr.

Abfolvit Oratorem à censuris.

Confirmat prout in rub.

obtinenda, pœnas eo ipso absque declaratione incurrendis inviolatè, & perpetuò servari præcipimus, & mandamus.

Decretum irritans.

§. 3. Decernentes sic, & non aliter in præmissis per quoscumque Judices Ordinarios, & delegatos, etiam Causarum Palatii Apostolici Auditores, & S. R. E. Cardinales, etiam de latere Legatos, judicari, & definiti debere, ac irritum, & inane, si secus super his à quoquam quavis auctoritate scienter, vel ignoranter contigerit attentari.

Contrariis derogat.

§. 4. Non obstantibus Constitutionibus, & Ordinationibus Apostolicis, ac d. Ordinis Regula, & Correctorio nuncupato, necnon Statutis, & consuetudinibus etiam juramento, confirmatione Apostolica, vel quavis firmitate alia roboratis, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, & insertis habentes, illis aliàs in suo robore permanentibus, ad præmissorum effectum, hac vice dumtaxat specialiter, & expressè derogamus, cæterisque contrariis quibuscumque.

Volimus autem ut præsentium transumptis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides adhibeatur ubique, quæ præsentibus adhiberetur, si forent exhibitæ, vel ostensæ.

Dat. P. An. 4. die 24. Maji.

Datum Romæ apud S. Mariam Majorem sub Annulo Piscatoris, die 24. Martii 1659. Pontificatus Nostri Anno quarto.

LXIII.

Confirmat conventiones super Jure Patronatus Ducis Medinæ Sydoniæ in tres Conventus Fratrum Congregationis Hispaniæ Ordinis Beate Mariæ de Mercede Provinciæ Andalusæ, & in totam Congregationem.

De hac materia vide ad Constit. 182. Urbani VIII. Inter cætera.

Edita An. D. 1660.

ALEXANDER PAPA VII.

Ad futuram rei memoriam.

Supplicatio.

EXponi Nobis nuper fecit dilectus filius Antonius de Christo Procurator Generalis Congregationis Hispaniæ Ordinis Fratrum B. Mariæ de Mercede Redemptionis Captivorum Discalceatorum nuncupatorum, quod cum dilectus filius Nobilis Vir Dux Medinæ Sydoniæ favorabilem semper, ac beneficium se præstitit Recollectioni dictæ Congregationis, eidemque tres Conventus in Provincia Andalusæ proprio ære, ac magnis sumptibus fundaverit, necnon publico, & solemnino Instrumento aliàs sub anno 1621. se suosque Hæredes, & Successores, & bona in perpetuum obligaverit singulis Capitulis generalibus ipsius Congregationis per sexennia celebrandis scuta sexcenta pro expensis uniuscujusque Capituli sustinendis eidem Congregationi titulo elemosynæ contribuere, & largiri, propterea d. Congregatio gratitudinis nomine eidem Duci, ejusque in Ducatu pro tempore Successoribus universalis patroni titulum, ad infra scriptos effectus, & prærogativas dumtaxat, & non alias indultit, necnon Juspatronatus honorificum cum

prærogativis, & præminentis de jure Fundatoribus Regularium Monasteriorum debitum super prædictos tres Conventus ab ipso, ut supra in Provincia Andalusæ fundatos concessit, seu concedi cupit cum indultis, & conventionibus contentis in Capitulis tenoris qui sequitur, videlicet.

§. 1. Et primò præsupposita contributione præarrata per D. Ducem pro tempore, ut supra faciendâ, eidem, & ejus Successoribus facultatem concedit nominandi, seu assignandi locum, & Monasterium, in quo Capitulum Generale pro tempore celebrari debeat: Itâ tamen ut nominatio, seu assignatio prædicta debeat fieri in antecedenti Capitulo pro subsequenti, & quatenus assignatus locus Recollectionis aliquam ob causam non placeret liberum illi sit alibi ad suum libitum propriis expensis celebrare.

II. Et religiosi omnes, qui ex universa recollectione in ipso Capitulo generali aderunt, per id temporis quo idem Capitulum perduraverit quotidie (si præarrata elemosyna scutorum sexcentorum à D. Duce contributa, ut supra fuerit) Missam offerre teneantur pro Animabus Defunctorum Antecessorum D. Ducis pro tempore viventis.

III. Necnon semel in unoquoque Capitulo generali Missa cantata solemnis cum vigilia pro antedictis Defunctis celebret, Descendentibus Religiosis omnibus interessentibus Capitulo in medio Ecclesiæ, ad canendum responsum prope tumulum funebri apparatu erectum: Ita tamen ut per hujusmodi celebrationes Missarum & cantatæ nullatenus impediatur satisfactio onerum, seu Missarum, quæ tunc, vel ex instituto Recollectionis, vel ex anterioribus quibuscumque obligationibus celebrandæ sint.

IV. De fructibus operum omnium, actus Communitatis nuncupatorum, quæ in unoquoque Capitulo generali sunt, dictus D. Dux, ejusque Successores ut supra participes reddantur.

V. In singulis Capitulis generalibus præcipitur, ut intra tempus ab uno Capitulo generali, ad aliud intercedens, in unoquoque Monasterio totius Recollectionis Missa cantata, & à singulis Sacerdotibus una Missa lecta pro Patronis vivis, atque Defunctis celebrentur.

VI. Morientibus autem Duce, vel Ducissa pro tempore, in quolibet Monasterio universæ Recollectionis Missa cantata cum officio Defunctorum reciteretur, & singuli Sacerdotes Missam unam pro anima Ducis respectivè, vel Ducissæ defunctæ celebrare teneantur.

VII. Morientibus verò hodiernis Duce, & Ducissa in suffragium animarum suarum participes reddantur bonorum operum totius Recollectionis.

VIII. Prout & dicti hodierni Dux, & Ducissa, sicut etiam, & eorum Successores in Ducatu participes fiant spiritualis fructus quem Religiosi totius Recollectionis orando, jejunando, aliaque pia opera, tam communia, quam particularia exercendo, ac præsertim Captivos redimendo apud Deum lucrantur.

IX. Itidem supposita præarrata contributione scutorum trecentorum per D. Ducem, & Successores in Ducatu, ut supra faciendâ, eidem conceditur facultas nominandi, vel deputandi locum, seu Monasterium, ubi singulis trienniis celebrari debeat Capitulum Provinciale Provinciæ Andalusæ, itâ tamen ut nominatio ipsa fiat in antecedenti Capitulo pro subsequenti, & si locus nominatus aliquam ob causam Capitulo minus placeat liceat alibi propriis expensis celebrare, ut de Capitulo generali supra dictum est.

Conventiones observandæ.